



Norsk Landbruksrådgiving Vest Sa  
Postboks 197  
6821 SANDANE

Referansar:  
Dykkar:  
Vår: 17/3122 - 18/22399

Saksbehandlar:  
Larissa Dahl  
larissa.dahl@meland.kommune.no

Dato:  
23.10.2018

## **Oversending av vedtak - Kommunalt tilskot til landbruksføremål 2018 - budsjettpost 14700 603 3290**

Vedlagt følger vedtak.

*Vedtaket er eit enkeltvedtak som kan påklagast, jf. Forvaltningslova (fvl) § 28. Klagefristen er 3 veker rekna frå den dagen vedtaket vart mottatt, jf. fvl § 29 1.ledd. Det er nok at klagen er postlagt innan fristen går ut. Klagen skal sendast skriftleg til det forvaltningsorgan som har gjort vedtaket. I klagen skal det gå fram kva som vert påklaga (vedtak) og kva endringar ein ynskjer, jf. fvl § 32. Klagen skal grunngjevast.*

Med helsing

Larissa Dahl  
Konsulent

Andre mottakarar:

Lindås og Meland Sau og Geit, Norsk Landbruksrådgiving Vest Sa

# Sakspapir

Saksbehandlar	Arkiv	ArkivsakID
Laila Bjørge	FE - 223	17/3122

Saksnr	Utvalg	Type	Dato
80/2018	Utval for drift og utvikling	PS	16.10.2018

## Kommunalt tilskot til landbruksføremål 2018 - budsjettpost 14700 603 3290

### Vedlegg:

Søknad om kommunalt tilskot for 2018

Søknad om økonomisk støtte til Bondens Dag i Knarvik Senter 29.09.2018

### Saksopplysningar:

#### Bakgrunn

Utval for drift og utvikling oppretta i 2002 ein budsjettpost som gjaldt ordning med tilskot til landbruksføremål. Den har mellom anna vore nytta til tilskot til ulike landbrukstiltak som grøfting, driftsbygningar m.m og til gode fellesprosjekt for landbruket til dømes prosjekt Glade bønder. For 2016 og 2017 prioriterte ein grøfting og det vart gitt tilskot til nye grøfter.

På budsjettposten står det kr. 45 000 til fordeling i 2018.

Det er komen inn 2 søknader om tilskot.

- Norsk landbruksrådgiving (NLR), Hordaland har søkt om tilskot til drifta for 2018
- Lindås og Meland sau og geit har søkt om støtte til å arrangera Bondens dag i Knarvik

*Frå søknaden til Norsk landbruksrådgiving (NLR),*

Norsk landbruksrådgiving (NLR), Hordaland har søkt om tilskot til drifta for 2018. Midlane frå

kommunane går til informasjons-og utviklingsarbeid som er vanskeleg å finansiera med andre midlar. NLR er ein medlemsorganisasjon, men både bønder og kommunar kan kjøpa rådgivingstenester, og dei heldt kurs og markdagar som er opne for alle. Dei ber om tilskot som tidlegare år. I 2017 vart det løyvd kr. 10 000.

#### *Frå søknaden til Lindås og Meland sau og geit*

*Me i Lindås og Meland sau og geit skal også i år arrangere kåringsjå. I år vil me arrangera det i Knarvik Senter laurdag den 29 september og utvida det til Bondens dag i samarbeid med bondelaga og Knarvik Senter. Her vil me i tillegg til sau (av ulike raser) ha storfe, høner, griser, ponnier og andre smådyr. Det vert også vist karding/spinning av ull. Lokale produsentar kan fritt få stå i senteret og selja /presenter produkta sine. Her vert også aktiviteter for barn som traktorsertifikat (på trøtraktor) og utstilling av veterantraktor.*

*Laget vårt har ein god del utgifter og legg ned stor innstats for å stelle til denne dagen. Så me i LM vil med dette søkje om tilskot frå kommunane Lindås og Meland for å dekke nokre av desse utgiftene våre. (Vi har tidlegare år fått 5000,- frå Lindås kommune)*

I tillegg er det pågande regionale prosjekt som kommunen deltek i, men der det ikkje er kome konkrete søknader frå enno. Eit av desse er:

#### *Smaken av Nordhordland (henta frå prosjektskilddinga)*

*Prosjektet skal gjere Nordhordland sin mat og matkultur kjend og tilgjengeleg gjennom samarbeid mellom synlege og stolte aktørar. Overordna mål er å styrke identiteten til Nordhordland som matregion, gjennom å bidra til næringsutvikling basert på dei blå/grøne ressursane. Satsinga skal gje fleire produsentar og større produktspekter. Vi har 5 strategiar for å oppnå resultat: Klyngeutvikling, Kunnskapsutvikling, Synleggjering, Utnytte synergieffektar og inkluderande organisering*

*Gjennom forprosjekt og nettverkssamlingar har om lag 40 aktørar vist entusiasme for prosjektet. Smaken av Nordhordland vart presentert for regionrådet 30. september og dei gjorde følgjande vedtak: Regionrådet synest «Smaken av Nordhordland» er eit spennande og viktig prosjekt som kan vera med å auka identiteten og omdømmet til regionen. Mat, kultur og opplevingar vil vera viktig i arbeidet med å løfta reiselivet i regionen, og høver saman med at ein no ynskjer å organisera dette saman med Bergen Reiselivslag og kysteventyret. Regionrådet set stor pris på at næringa er sterkt inne i matprosjektet. Regionrådet ønskjer ei større felles satsing på lokalmat i regionen, og stiller seg bak ein prosjektsøknad for «Smaken av Nordhordland». Prosjektet er også forankra i Interkommunal Nærings- og samfunnsutviklingsplan for Nordhordland.*

#### **Vurdering**

Føremålet med tilskotsmidlane har vore at dei skal vera til hjelp i samband med investeringar på bruk som mottek produksjonstilskot eller andre tiltak som fremjer landbruket i kommunen: Tekniske miljøtiltak, driftsbygningar, nydyrking, grøfting, skogsbilveggar og tiltak for å betra driftstilhøve. Nyskaping, kulturlandskapstiltak og fellesprosjekt for landbruket er andre. Midlane har eit breitt føremål som innebær at det vert små summar til mange dersom ein ikkje legg føringar for kva som bør prioriterast.

Dei siste åra har desse midlane vore brukt for å få opp aktiviteten på grøfting. Statstilskotet til grøfting er no vorte dobla og ein kan få inntil 30 kr i pr løpemeter grøft i tilskot. Tilskotsramma til

Meland for 2018 var på 170 000, og denne har me ikkje klart å bruka opp så langt. Rådmannen foreslår difor at ein ikkje prioriterar midlar til grøfting dette året.

#### *Norsk landbruksrådgiving (NLR)*

Når det gjeld søknaden frå NLR Hordaland, vil rådmannen peike på at det er ei fagleg verksemd som er viktig for utvikling ny landbruksfagleg kunnskap i fylke. Rådgjevarane er framleis desentralisert, og kan tilby spisskompetanse innan ei rekke område. Fokusområde er mellom anna gras og grovfor, klimasmart landbruk, dyrking av bær, potet og grønnsaker, bedriftsutvikling og etablering m.m.

Dei er ei uavhengig, landbruksfagleg rådgivingsteneste, som er utruleg viktig for landbruksmiljøet i fylket. I tillegg held dei ei rekke kurs og fagmøte rundt i heile fylket. Meland kommune har god erfaring med å samarbeid med NLR om ulike kurs og fagdagar. I 2018 har dei i Meland mellom vore samarbeidspart til utarbeiding og gjennomføring prosjekt klimaklokt landbruk, der ein samlar inn erfaring frå lokale bønder om kva tiltak som verkar, og skal formidla dei ved hjelp av filmsnuttar og sosiale media til resten av næringa i kommunen og fylket. Rådmannen rår til å støtta dei med kr. 10 000 for 2018

#### *Lindås og Meland sau og geit*

Lindås og Meland sau og geit er ein viktig organisasjon for saueneæringa og har ein stor medlemsmasse i dei to kommunane. Dei laga til Kåringssjå/ Bondens dag i Knarvik senter 29. sept, noko som var eit svært vellukka arrangement. Både kåringssjået med om lag 140 værlam og dei andre dyra som vart vist fram hadde mange besøkande born og vaksne. Lokale matprodusentar, husflidslaget, ullprodusentar m.fl hadde inntatt torget i senteret og det var eit yrande liv heile dagen. Traktorsertifikat for born og servering av fårrikål var utan tvil ein suksess. Lindås og Meland sau og geit med samarbeidspartar gjorde ein flott jobb med å synleggjera lokalt landbruk og skapa positiv merksemd om næring. Rådmannen rår til at dei får kr. 5 000 i støtte til arrangementet.

*Prosjekt: Smaken av Nordhordland* er eit etterlengta initiativ som kommunane og Utviklingsselskapet har arbeid med i fleire år for å få opp å gå. Regionrådet har stilt seg bak satsinga, og det er også forankra i gjeldande kommuneplan med mål om å få fleire lokalmatprodusentar. Fleire bedrifter frå Meland deltek i prosjektet og ein opplever at det er positivt å vera ein del av eit større fellesskap. det vert arrangert kurs, temakvelder og på Bergen Matfestival i Bergen dette året stod for første gong Nordhordland samla på stand med Mat frå Nordhordland. Fylkeskommunen har bidrege med tilskot, men det er og sett opp ein eigeninnsats frå kommunane i form av tilskot og arbeid. For 2018 er denne summen kr. 10 000 pr. kommune. Det er ikkje komen ein formell søknad til kommunen enno, men rådmannen ønskjer fullmakt til å løyva desse pengane.

Folkehelse: Ikkje aktuelt i denne saka

Miljø: Ikkje aktuelt i denne saka

Økonomi: Løyving i tråd med budsjett

#### **Konklusjon**

Rådmannen rår til at det blir løyvd til saman kr. 15 000 i tilskotsmidlar slik det er gjort greie for.

Det var planlagt ein revisjon av retningslinene for budsjettposten, men sidan det no berre er eit år att før det skal lagast budsjett for Alver kommune foreslår rådmannen at dette ikkje vert gjort no, men vert ein del av ein felles budsjettprosess for Alver. Det er då verd å merka seg at skogbrukstiltak må

innarbeidast i retningslinjene sidan desse tilskotspostane vart samanslått for nokre år sidan.

Rådmannen ber om fullmakt til å løyva tilskota av resterande midlar, kr 30. 000, på budsjettpost 14700 603 3290, i tråd med noverande retningsliner og føremål.

**Framlegg til vedtak:**

Utval for drift- og utvikling løyver kr. 10 000 til Norsk landbruksrådgiving Hordaland for 2018.

Utval for drift- og utvikling løyver kr. 5 000 til Lindås og Meland sau og geit til arrangementet Landbruksdagen i Knarvik.

Tilskotet vert dekkja av budsjettpost 14700 603 3290.

Rådmannen får fullmakt å avgjera øvrige søknader om tilskot til landbruksføremål administrativt for 2018 innanfor ramma til budsjettpost 14700 603 3290.

**Utval for drift og utvikling - 80/2018**

**UDU - behandling:**

**UDU - vedtak:**

Utval for drift- og utvikling løyver kr. 10 000 til Norsk landbruksrådgiving Hordaland for 2018.

Utval for drift- og utvikling løyver kr. 5 000 til Lindås og Meland sau og geit til arrangementet Landbruksdagen i Knarvik.

Tilskotet vert dekkja av budsjettpost 14700 603 3290.

Rådmannen får fullmakt å avgjera øvrige søknader om tilskot til landbruksføremål administrativt for 2018 innanfor ramma til budsjettpost 14700 603 3290.

